



25. september 2019

UKA2019/27

Uunga siunnersuut: Inissianik attartortitsisarneq pillugu Inatsisartut peqqussutaata allanngortinneqarnissaa pillugu Inatsisartut inatsisaat nr. xx, xx. xxx 2019-imeersoq. (Pisortat inissiaataanni uumasuuteqarnissamut tunngatillugu maleruagassat allanngortin-neqarnerat aamma attartortup toqkkut qimagunnerani il.il. attar-tukkap tiguneqartarnera pillugu)

(Aleqa Hammond, Nunatta Qitornai)

Inatsisartut amerlanerussuteqartunit taperserpeqarsimasut suliat aallaavigalugit Naalakkersuisut saqqummiussa qarput, suliap inatsisitigut tulluarsarnera inernerisinnaasaatullu siunnersuut.

Pisortat inissiaataanni qimmeqarsinnaanermut ammaassinissamut siunnersuuteqartoqarmat ilisimavarput ileqqoreqqusat, pisussaaffiit pisinnaatitaaffiit, ineqartoqatigiinnut malittarisassat aningaasatigullu kingunerisinnaasai aaqqissuussinermi sulianut tulliuuttunut nassatarisassaasut.

Naalakkersuisut naaperiuteqarnerat piareersaateqarsimanerallu nersualaarusupparput, isu-maqaratta ineqartut tassalu qimmeqartut aammalu qimmeqanngitsut akornanni saqittaassutaasinnaasut annikinnerpaaffianiitinniarlugu suliniarnertik massunga killimmassuk.

Qimmeqarneq annertuumik suliaavoq aammalu annertuumik qimminut perorsaaneruvoq naalat-tunngortitsiniarnermi aammalu inuminut tusaasunngortitsiniarnermi. Angerlarsimaffitsinni uagut qimmeqarpugut nalunngilarpullu aamma qanoq perorsarluartigigaluaaraanniluunniit illumut anner-tuumik sunniuteqarpoq. Meqqi katakulaaqaat, illumi saliiikulaarnaqaaq, illoqutigiinnut anner-tuumik akisussaaffilersuisaqaq, sanilerisanut nipiliornermut pinngitsoortinniarlugu perorsaanar-poq, eqqatsinni avatangiisitsinnullu ajoqutaannginnissaa anguniarlugu saliinarpoq ila ila sorpassuit taajorsinnaavakka. Akisussaaffik angisuujuvoq. Inequgilaaginnarlugu pigineq tunngaviunani paarsi-sinnaaneq tunngaviussaaq. Amerlavallaaqaat inequgeriarlugu akisussaaffiup angivallaarnera taku-lerlugu allamut tunniutiinnarneqartarnerini qimmeq akiliisunngortinneqartartoq. Akisussaaffiler-sornissamut pisussaaffilersornissamullu sinaakktissat peqqussummi qitiutinneqartut isumaqatigi-naqaaq, tapersernarpullu.

Ineqarnermut ineqateqarnermilu toqusoqarsimanerup kingunerisaanik malitassatut peqqussutip allanngortinneqarnera siunnersuuteqarsimasunut naapertuuttunngorlugu naaperiuteqarsimaneq iluarisimaarnarpoq. Ilaqutariittut aqqissugaanerput inissisimanerpullu peqqussummi erserser-neqartussanngormat iluarisimanarpoq, taamaattorli attartortoqartillugu inisimasoqartillugu aaqqis-suussineq tamakkiisoq uani ilaatinneqassanngitsoq erseqqissaassutigineqartoq isumaqatiginarpoq.

Nunatta Qitornai

Inatsisartuni



Pisortat inissiaataanut peqqussutip allanngortinneqarnissaanut siunnersuutit taamatut oqaaseqarfigalugit siunnersuut ataatsimiititaliamut ingerlateqqipparput.